

青玉案酬公

郭功甫詩

東波文章絕妙古今而其病在於好譏刺晚年自朱崖量
移合浦郭功甫寄詩云君恩浩蕩似陽春海外移來住海
濱莫向沙邊弄明月夜深無數採珠人

鶴林玉露

劉錕探珍

劉錕宮殿悉以珍為飾合浦置媚川都定珠課民採珠多葬
魚腹還珠亭有詩云此珠萬命沉波底爭似當年去不還其
言之可憫如是亭改詩今不存

舊志

康贊修詩

康贊修官合浦訓導在廉多吟詠

其孫康有為彙編其稿名為連州集

嘗代廉

人上郡守沈葆貽詩憶公初守廉寇氣未盡息

時匪首劉八李士奎就擒

殘孽虞復萌無使長羽翼設法務剪除一一難逃匿莠去良

自安咸仰公之力

公到任嚴治土匪嘗作大木筏壹對每行刑時筏二下盜即斃筏今存城王廟內

越

年癸丑夏狼豕從西來公乃簡壯士器因使其材籌算無遺

策越境擒其魁

擒賊首朱十四于博白

解甲甫逾月土寇復披猖振旅

天涯驛追犇及遐荒南夷解効力相助如弗遑

逐賊鍾鳳翔及安南界夷

兵協力

遂擒之（中畧）謂此閒暇時當求民所先敦農思報本祀事

惟致虔

公修社稷壇及劉猛將軍廟神蓋南宋中興名將劉武穆錡也見南海志

（中畧）經畫已甫

定西寇入寨墟軍書日旁午公意殊自如（畧）僉言鄉兵力

桑梓永無虞

乙卯正月西賊黃五黨數千衆擾寨墟各鄉團練圍勦旬日撲滅

鄰境有佃匪梗

法將十年縣官莫捕治富室如磬縣（畧）彼雖負厥險吾自

破其堅迎勢盡瓦解百窟無一全

公率兵抵西境破賊寨百餘

(畧)我公

非好名何須豐碑立

廉民建公生祠在今學前直街

在昔孟太守能令去珠

還費公亦相埒因以廉名山高風在千古口碑在人寰七賢

姓字沒莫由寄溯攀

郡城有七賢祠祀唐末時賢太守

(下畧)

不忍雜誌

徵側徵貳

交趾女子徵側徵貳陷合浦自稱麋冷王兵勢張甚伏波將軍馬援征之凡踰兩年乃滅古女子僭號稱王為華戎所未有按徵側徵貳蓋麋冷縣雜將之女也

廣東新語

王廉州

王鑑號圓照知廉州精繪事與渾南田齊名人稱為王州廉

研堂見聞雜錄

千歲廟

清兵陷廉州明宗室鍾國將軍朱統鑾復之旋敗走行至靈山被殺葬靈山烏江橋嶺靈人立廟祀之今合浦南郭有朱千歲廟殆其人歟

佟國勳

清康熙間海寇葉紅旗焚劫大石屯村知府佟國勳帥兵勦之焚賊船數十艘舊志故舊府署終清之世每遇旦節必懸旗上書三廉師帥自佟始也

羅鑑

西賊陷石康縣令羅鑑父子同殉難邑人立廟祀之道光間賊首小花枝寇合浦官軍出討之相傳遙見公匹馬長槍縱

橫殺賊異之入謁公祠見公像汗如雨其英靈如此

祝東坡生日

咸豐丙辰臘月廉州郭靜山太守椿壽招諸吏集清樂軒祝東坡生日訓導康贊修有句云千秋笠屐空遺像兩岸鷗波

欲蘸筵

不忍雜志

何孝子

何孝子水洞口人家貧事親孝歿後邑人於其地建祠祀之合浦縣謝鏡澄爲之傳云孝子者何姓文秀其名也家貧習竹枕蓆以養父年老未婚朝夕不離父側得所售值則市酒脯以進暇輒歌以娛親聲聞鄉里遠近異之父子皆享遐齡始終如一日

下畧

朱均玉

合浦朱均玉於所居東鑿一池種蓮自娛歿後踰五十年不生永樂三年夏池中忽出葉如青錢踰旬則翠蓋紅華雲錦燦爛時均玉有子瓊爲靖州同知瓊子惠明年登鄉榜後遂第進士爲監察御史

琴軒集

龜葬

瀕海素少士人祥符中廉州人梁氏卜地葬其親至一山中見居人說旬日前有數十龜負一大龜葬於此山中梁以爲龜神物其葬處或是福地與其人登山觀之乃見有邱墓之象試發之果得一死龜梁乃遷葬他所以龜之所穴葬其親其後梁生三子立儀立則立賢立則立賢皆以進士登科立

儀嘗預薦皇祐中儂智高平推恩授假板官立則值熙寧立
八路選格就二廣連典十餘郡今爲朝請大夫致仕予亦識
之立儀立則皆朝散郎至今皆在徙居廣州鬱爲士族至今
謂之龜墓梁家龜能墓其事已可怪而梁氏適興其偶然邪
抑亦神物啓之邪

沈括補
筆談

金像

晉咸和中丹陽尹高悝行至張侯橋見浦中五色光長數尺
不知何怪乃令人於光庭得金像無有光跌悝乃下車載像
還至長干巷首牛不肯進悝乃令馭人任牛所之牛徑牽至
寺悝乃留像付寺僧每至夜中常放光明又聞空中有金石
之響經一歲臨海漁人張世係於海口忽見有銅花浮出取

送縣人以送臺乃施像足宛然合會簡文咸安元年交州合浦人董宗之採珠沒水底得佛光燄交州送臺以施於像又合焉自咸和中得像至咸安初歷三十餘年光趺始具初高悝得像後有西域胡僧五人事詣悝曰昔於天竺得阿育王造像來至鄴下逢胡亂埋於河邊今尋覓失所五人忽一夜俱夢見像曰已出江東爲高悝所得悝乃送五僧至寺見像噓歎涕泣像便放光照燭殿宇

南史

還珠賦

叢談林見素遠祖蘊唐未就試合浦還珠賦思之未得忽假寐夢有人告之曰何不云珠去忽珠還也覺而異之卽用其語遂登第後見素族祖康爲廉州貳守見素以詩寄之曰破

荒詞賦落人間水異川精兩愧顏今日雲初居此地祇令珠
去忽珠還蓋用前事也黃志

柳宗元後

傳奇載唐憲宗元和中
有柳宗元後者其從父各竄驩愛二
州二子往省至合浦登舟爲
颶風飄至孤島有道士乘白鹿
來憫之令謁南溟夫人遂得
歸其事甚幻語多不克盡載
蓋幽怪錄之流也

芝異

正德辛丑郡庠泮池生芝太守沈綸德政所致嘉靖丙午夏
張都閩轅產芝時其母王氏以貞節表其閩郡守胡鰲前翰
林編修謫提舉潘仲驂咸有紀讚云嘉靖癸丑鍾振舍旁叢

林中瓦礫之上產芝五莖高五寸餘葉徑四寸五色皆備日
耀之燁然有光其幹如漆內一本若並蒂然環地四圍及其
上約丈餘咸有黃色不可去時五月五日也芝久作紫色令
藏之

方震

成化壬寅浮梁方震年四十病垂絕爲使者攝至合浦之東
嶽廟殿上王者曰送西司勘使者引至主者揭籍語之曰此
子祿未享卽以籍示震見書有廩庾米粟斗斛俱備又有冠
帶在側卽令傳送歸至家而甦明年食廩壬子膺鄉薦終合
浦知縣後休致十餘年卒

鍾振